



UNIVERSITÄTS-  
BIBLIOTHEK  
PADERBORN

**Cursus Biennalis Studii Canonici, Sive Succincta Et  
Methodica Sacrorum Canonum Explanatio**

**Engelhard, Johann Martin**

**Moguntiae, 1700**

Titvlvs XXVII. De Successionibus ab intestato.

---

[urn:nbn:de:hbz:466:1-63255](#)

## TITVLVS XXVII.

De

## Successionibus ab intestato.

**Q**UÆRES 1. Quandò hæredes succedant ab' intestato? Respond. Successioni ab intestato locus tunc est, quandò defuncto, ex testamento succedi non potest, quod sit quandò vel testamentum non fecit, vel facere non potuit, vel fecit quidem, sed deficientibus solemnitatibus nullum.

**Q**UÆRES 2. Quot sint classes succedentium ab intestato? Respond. Hæredes ab intestato succedentes in quadruplici ordine collocari, nimirum, descendentes, ascendentis collaterales, & conjuges, in primò igitur ordine succedentium sunt liberi naturales & legitimi sive sui, sive emancipati, nati vel nascituri, mares vel fœminæ fuerint; *no vel. 118. c. 1. § 4.* qui si omnes in eodem gradu fuerint, in capita succedunt; sin aliqui in primo, alii verò in ulteriori gradu fuerint. v.gr. frater & fratris liberi, succedunt in stirpem; hinc frater cum fratris sui liberis succedens patri, medium fert partem hæreditatis, liberi autem fratris *etiam si* 10. fuerint, non nisi alteram ineditatatem consequentur, quæ vocatur successio in stirpes; quod idem dicendum est, si nepotes soli successerint, quorum ex una parte plures ex alterâ pauciores fuerint, sit enim successio in stirpes cum non succedant ex personâ propriâ sed jure repræsentationis. *dict. novell. 118. c. 1.* filii legitimati per subsequens matrimonium succedunt

Aa 3

cum

cum aliis legitimè natis; legitimi per oblationem curiæ succedunt s. li genitori *Novell. 89. c 3. § 4.* legitimi per rescriptam Principis tum demum par succedunt, quando naturales & legitimi simul non extant. naturales t. intùn à successione repelluntur si naturales & legitimi simul vel saltem legitimi conjux adfuerit, alimenta tamen iis erunt præstata; quod si defuncto nec liberi nec conjux fuerint, filii naturales cum matre concubinâ sextantem accipient, in reliquis cognati succendent. Spurii autem seu vulgo quæsiti & ex meretrice nati cum patrem habeant incertum, ab hæreditate paternâ omnino excluduntur. *I. spurius ff. unde cognati l. vii. gò quæsiti ff. de statu hominum.* matri autem tam spuri quam naturales etiam cum aliis ex legitimo thoro procreatis succedunt. qui verò ex damnato coiunscuntur, ab omni successione excluduntur, quibus leges alimenta, denegabant; quarum rigorem Canones sustulerunt *cap. 5. de eo qui duxit in mat. quoniam poll.*

**QUÆRES 3.** Quis sit secundus ordo succedentium ab intestato? Respond. Secundus ordo succedentium ab intestato continet ascendentis, qui turbato mortalitatis ordine secundum propinquitatem gradus succedunt excluso semper remotiore, sic mater excludit avum, avus proavum; quia in ascendentibus repræsentatio non habet locum. *Novell. 118. cap. 2.* quod si plures ascendentis in eodem gradu dispari tamen numero fuerint, v. gr. avus paternus, avia paterna & avia materna, fiet divisio hæreditatis in stirpes. *dia. Novell.*

**QUÆRES 4.** Quinam in tertio ordine ab intestato succedant? Respond. Tertius ordo comple-

complectitur fratres & sorores utrinque conjunctos unā cum liberis ex altero prædefuncto fratre vel sore relictis, qui ultimi in stirpem vocantur, cum succedant Jure repræsentationis, excluduntur itaque fratres ex uno tantum latere defuncto conjuncti, uti & eorum liberi. Similiter & nepotes veri fratribus defuncti si nimisū fratres & fratrū liberi adfuerint; ratio est quod repræsentatio in linea descendente duret in infinitum in collateralī vero ultra fratum filios non extenditur Novell. 118. c. 3. Sed proximior semper excludit remotiorem. quod si fratum filii solum sint, non instipes sed capita succedent patruo. l. 2. §. 2. ff. de suis & leg. hæred. Si fratres utrinque conjuncti non adsumunt, uterini & consanguinei succedunt Novell. 118. c. 3. authent. post fratres Cod. de legit. hæred.

**Q UÆ R E S 5.** Quinam in quarto ordine sint hæredes ab intestato? Respond. Quartus ordo succendentium Conjuges complectitur quorum unus alteri succedit si nec liberi nec cognati extent; ubi tamen ante omnia attendenda sunt pacta dotalia, aut his deficientibus locorum statuta; quæ in Successione conjugum maximè sunt inspicienda.

**Q UÆ R E S 6.** Quis succedat Clerico intestato decedenti? Respond. In bonis patrimonialibus agnati in beneficialibus Ecclesia cui servivit; quod si nec agnatos nec beneficia habuerit fiscus Episcopi hæreditatem occupabit. Religiosis post professionem mortuis succedit monasterium si successionis sit capax; mortuis ante professionem succedunt consanguinei; iis qui ex speciali, privilegio v. gr. in Ordine S. Dominici anno probationis nondum expleto professionem emiserunt, non monasterium, sed consanguinei succedunt. **TIT.**